

S T A T U T I
SHOQËRISE TREGTARE ME PËRGJEGJËSI TE KUFIZUAR
“Golec AL Beton” SH.P.K

Bazuar në ligjin 9901 dt 14.04.2008 “Për tregtarët dhe shoqeritë tregtare” i ndryshuar nëpërmjet Ligjit 129/2014 datë 02.10.2014, dhe të akteve të tjera ligjore dhe nënligjore, që rregullojnë fushën e rregjistrimit, licencimit dhe funksionimit të subjekteve tregtare në Republikën e Shqipërisë, në Tiranë, sot, më datë 18.10.2023, unë Fisnik Latifi, lindur në Zhelino, Maqedoni, më 18.06.1985 dhe banues në Shkup, Maqedoni, shtetas i Maqedonisë së Veriut, mbajtës i pasaportës me nr: K0124535, madhor e me zotësi të plotë juridike dhe për të vepruar, me vullnetin tim të lirë, në cilësinë e ortakut themelues, pasi themelova shoqërinë tregtare me përgjegjësi të kufizuar **“Golec AL Beton” sh.p.k** shpall statutin e shoqërisë tregtare si më poshtë vijon:

FORMIMI

Neni 1

Formohet shoqëria tregtare me përgjegjësi të kufizuar me emërtimin **“Golec AL Beton” sh.p.k** me një ortak themelues:

- Fisnik Latifi, lindur në Zhelino, Maqedoni, më 18.06.1985 dhe banues në Shkup, Maqedoni, shtetas i Maqedonisë së Veriut, mbajtës i pasaportës me nr: K0124535.

Neni 2

Vendqëndrimi i shoqërisë tregtare **“Golec AL Beton” sh.p.k** do të jetë në selinë e saj me adresë: Rruga e Dibrës, Ndërtesa Nr.10, Hyrja Nr.4, Kati 8, Ap.23, Kodi Zip 1017, Njësia Nr.8, Tiranë.

Shoqëria do të ushtrojë veprimtarinë e saj ekonomike në gjithë territorin e Republikës së Shqipërisë, dhe në cdo shtet tjeter të huaj, me miratimin e asamblesë së përgjithshme të ortakëve dhe në përputhje me ligjet e vendit apo shtetit përkatës ku do ta ushtrojë këtë veprimtari, duke zbatuar të gjitha dispozitat ligjore të vendit ku do të ushtrojë veprimtarinë e saj.

Shoqëria mund të hapë edhe vend qëndrime të tjera si filiale, përfaqësi, agjensi, degë, etj. në të gjithë teritorin e Republikës së Shqipërisë dhe në cdo shtet tjeter të huaj, me miratim të asamblesë së përgjithshme dhe në përputhje me dispozitat ligjore të vendit apo shtetit përkatës ku ato do të hapen.

Shoqeria mund të shtojë/pakësojë numrin e ortakëve duke ndryshuar në këtë mënyrë numrin e kuotave dhe të ortakëve, si dhe pjesëmarrjen e tyre në kuotat e shoqërisë. Për këtë arsy e për të parashikuar mënyrën e funksionimit në rastet e shtimit të ortakëve në këtë statut janë përfshirë disa klauzola të përgjithshme që



garantojnë funksionimin normal në periudha tranzitore. Në rast të shtimit/pakësimit të numrit të ortakëve dhe shndërrimit të shoqërisë nga shoqëri me shumë ortakë në shoqëri me një ortak, do të depozitohen ndryshimet në QKR dhe do të specifikohen klauzolat e statutit në përputhje me situatat e reja të krijuara.

Brenda 30 (tridhjetë) ditëve kalendarike nga shtimi i numrit të ortakëve asambleja e ortakëve në mbledhje të jashtëzakonshme të saj do të vendosë për ndryshime eventuale të organeve drejtuese, administratorit dhe statutit të shoqërisë.

Neni 3

Kohëzgjatja e veprimtarisë ekonomike të shoqërisë tregtare **“Golec AL Beton” sh.p.k** është e pacaktuar.

OBJEKTI I VEPRIMTARISË

Neni 4

Objekti i veprimtarisë së shoqërisë tregtare **“Golec AL Beton” sh.p.k** është:

- Tregëti me pakicë e artikujve industrialë, ushqimorë, blektoralë dhe bujqësorë. Tregëti me pakicë të materialeve të ndyshme të ndërtimit. Transport materialesh ndërtimi, hekur, beton, tulla, dërrasa, dyer, dritare, etj.

Veç sa më sipër në shoqëri do të zhvillohet çdo aktivitet tjeter që vetëm ose së bashku me veprimtarinë kryesore të lartpërmendur, do të vlerësohen si të favorshme për zhvillimin, forcimin dhe rritjen e gjendjes ekonomike e financiare të saj.

Neni 5

Shoqëria tregtare mund të ndryshojë emërtimin, vendqëndrimin dhe objektin e veprimtarisë së saj sipas vendimeve që do të marrë Asambleja e Përgjithshme.

KAPITALI I SHOQËRISË


Neni 6

Kapitali themelor i shoqërise është caktuar në shumën 100.000 lekë dhe përbëhet nga 1 kuotë me vlerë nominale totale prej 100.000 lekë.

Kapitali themelor, kontribuohet prej ortakut themelues, i takon ortakut si më poshtë:

- Ortaku, Fisnik Latifi kontribuon, dhe posedon 1 kuotë me vlerë nominale 100.000 lekë,

Ortaku i shoqërisë do të derdhi në llogaritë bankare të saj, shumën e përcaktuar më sipër, brenda 90 ditëve nga data e rregjistrimit të shoqërisë në rregjistrin tregtar pranë QKB.



Neni 7

Kapitali i shoqërisë tregtare mund të shtohet ose pakësohet sipas vendimeve që do të marrin organet drejtuese të shoqërise, duke i miratuar keto vendime në mënyrë unanim me 100% të të gjithë kuotave të shoqërisë. Në asnjë rast shumica nuk mund të detyrojë një ortak për të rritur angazhimin e tij në kapitalin themelor (rritjen e ketij kapitali nëpermjet kontributeve të tjera).

Pjesët e kapitalit të çdo ortaku janë lirisht të transferueshme në rrugë trashëgimie. Pjesët e kapitalit që zoteroohen nga secili prej ortakëve, nuk mund të transferohen nëpermjet akteve ligjore në persona të tjerë jashtë ortakëve të shoqërisë, përvëçse midis ortakëve të saj, midis familjarëve të radhës së parë të këtyre ortakëve apo midis trashëgimtarëve të këtyre ortakëve, sipas përcaktimeve të Kodit Civil.

Në rastin kërkesës së largimit të ndonjërit prej ortakëve, kërkesa e tij do të shqyrtohet nga asambleja brenda periudhave të parashikuara nga ligji 9901 dt 14.04.2008 "Për tregtarët dhe shoqeritë tregtare" i ndryshuar, dhe pas kalimit të këtyre afateve, kjo kërkesë do të konsiderohet e miratuar nga asambleja e shoqërisë.

Transferimi i pjesëve të kapitalit, në rastin kërkesës së largimit të ndonjerit prej ortakëve, do të bëhet duke u vlerësuar pjesa përkatëse e kapitalit të tij, me vlerën nominale të kuotës të paraqitur në pasqyrat financiare të shoqërisë në periudhën vjetore paraardhëse, në postin e kapitaleve të veta të shoqërisë, dhe kjo shumë do të likujdohet me tre këste të barabarta brenda një periudhe tre vjecare nga data e marrjes së vendimit për largimin e ortakut.

Shoqëria detyrohet ti likujdojë kuotën ortakut që do të largohet, dhe kuota e tij do të kalojë në favor të ortakëve të tjerë të shoqërisë.


DREJTIMI DHE ADMINISTRIMI

Neni 8

Organi më i lartë i shoqërisë është Asambleja e Përgjithshme, ajo përbëhet prej ortakut/ortakëve të shoqërisë.

Asambleja është organi sovran i shoqërisë duke u mbështetur në të drejtën e tyre të pronësisë private mbi mjetet e investuara në shoqëri. Asambleja e Përgjithshme thirret dhe merr vendime të vlefshme sipas mënyrës së përcaktuar në dispozitat e ligjit në fuqi për tregtarët dhe shoqeritë tregtare.

Asambleja e Përgjithshme përcakton dhe miraton të drejtat dhe detyrat e organeve të saj. Të zgjedhurit dhe të emëruarit nga Asambleja veprojnë në përpunhje me dispozitat e këtij statuti, aktit të themelimit si dhe ligjeve në fuqi në Republikën e Shqipërisë. Vendimet që merr Asambleja sipas këtij statuti dhe legislacionit në fuqi janë të detyrueshme për cdo ortak. Secili ortak ka të drejtë vote sipas përqindjes në kuotën e kapitalit themelues të shoqërisë.



Për cdo ceshtje të shqyrtuar nga ortaket mbahet procesverbal në një regjistër të vecantë. Asambleja zhvillon mbledhje të zakonëshme dhe të jashtëzakoneshme. Ajo thirret jo më pak se dy herë në vit. Në mbledhje të jashtëzakoneshme shqyrtohen dhe vendosen probleme që kanë të bëjnë me krijimin, bashkimin, ndarjen, shpërndarjen, ndryshimin e statutit e probleme të tjera të rëndesishme për të cilat kërkohet miratimi i përbashkët nga ortaku/ortakët themelues.

Neni 9

Secili ortak që ka të drejtën e pjesmarjes në Asamble dhe mund të përfaqesohet në të edhe nga një person tjeter i autorizuar me shkrim nga ortaku i shoqërisë.

Neni 10

Asambleja e Pergjithshme e shoqërisë tregtarë “**Golec AL Beton**” sh.p.k drejtohet nga Z. Fisnik Latifi, i cili është njëkohësisht edhe administrator i saj.

Neni 11

Shoqëria tregtarë “**Golec AL Beton**” sh.p.k deklarohet e krijuar në zbatim të plotë të normave të legjislacionit shqiptar, të statutit, aktit të themelimit.

Shoqëria fiton zotësinë për të vepruar me regjistrimin e saj si person juridik në Rregjistrin Tregetar pranë QKB.

Administrator i shoqërise është:

1. Z. Fisnik Latifi. Afati i emëritimit në detyrë të administratorit është 5 vjet me të drejtë riemërimi. Ky afat fillon nga 18.10.2023 deri më 17.10.2028.

Neni 12

Shoqëria ka vulën e saj me përbajtjen: “**Golec AL Beton**” sh.p.k Tiranë & Nr NUIS. Ajo ka llogaritë e saj bankare në lekë e valutë në Banka të cilat operojnë në Shqipëri, si dhe në Banka të cilat operojnë jashtë territorit të Republikës së Shqipërisë.

Neni 13

Shoqëria tregtarë “**Golec AL Beton**” sh.p.k vepron në regjimin e pronës private dhe merr përsipër vetëm të drejta dhe detyrime kontraktuale dhe jo kontraktuale brënda kapitalit të saj. Ortaku/Ortakët e shoqërisë mbartin rrezikun për rezultatet e veprimtarisë së shoqërisë në nivelin e kapitalit themelor të shoqërisë duke mos u përgjigjur në asnjë rast, me pasuritë vetjake të realizuara në veprimtari të tjera ekonomike për detyrimet e kësaj shoqërie.

Neni 14

Sipas nevojave që paraqiten për zhvillimin e veprimtarisë ekonomike të shoqërisë, Asambleja emëron organe kontrolli si dhe punëson persona të tjera të cilët qëndrojnë në detyrë deri sa kërkohen nga Asambleja ose largohen me dëshirën e tyre.

Vetëm me miratimin me shkrim të Asamblesë së ortakëve, administratori ka të drejtë të negociojë dhe të nënshkruajë akte ligjore, për të marrë apo dhënë hua, në raport me palë të treta.

Administratorit me perjashtim te rastit kur është ortak i vetem dhe administrator, nuk i lejohet të kontraktojë në cfarëdo forme, të marrë apo të japë hua, qoftë të marrë hua në shoqëri të tjera, të japë pëlqimin në emër të shoqërisë për paradhënie e të bëhet dorëzanës apo të garantojë në emër të saj ndaj të tretëve.

Marrëdhëniet financiare midis shoqërisë dhe ortakëve të saj, do të realizohen sipas nevojave reciproke dhe brenda mundësive financiare të shoqërisë, pa u penguar nga administrimi i saj, dhe nuk do të trajtohen në asnjë rast si huamarrje apo huadħenie midis shoqërisë dhe ortakëve të saj, për të cilat do të nevojitej një vendim i Asamblesë së ortakëve përpara ekzekutimit të transaksioneve, por do të evidentohen në çdo rast në llogaritë financiare të shoqërisë në postin e të arkëtueshme apo të pagueshme, dhe do të jenë subjekt i vlerësimit dhe i vendimarrjes në mbledhjen e Asamblesë për miratimin e pasqyrave financiare të vitit përkatës paraardhës.

Neni 15

Administratori merret me drejtimin e zakonshëm dhe të jashtëzakonshëm të shoqërisë pa kufizime. Administratori ka për detyrë të njoftojë e të jape Ilogari në Asamblenë e Ortakëve me përjashtim të rastit kur është ortak i vetem dhe administrator dhe si i tillë i mbart vetë këto cilësi.

Neni 16

Sipas nevojave që paraqiten për zhvillimin e veprimtarisë ekonomike të shoqërisë, Asambleja e përgjithshme nëpërmjet këtij statuti ka dhënë pëlqimin që vetëm në rastin kur shoqëria ka një ortak të vetëm i cili është edhe administrator i saj, të lejohet marrja hua prej ortakut të vetëm të saj, ndërsa për cdo rast tjetër, kjo e drejtë duhet të miratohet me një vendim përkatës të Asamblesë së përgjitshtme.

Kapitali i shoqërisë është lirisht i transferueshëm prej trashëgimtarëve të cdo ortaku në rast vdekjeje.

MARDHËNIET E PUNËS

Neni 17

Mardhëniet e punës në shoqëri rregullohen nëpërmjet kontratës së punës duke zbatuar legjislacionin shqiptar. Shoqëria merr përsipër që të respektojë irregullat në fuqi të punësimit, ndërsa të punësuarit janë të detyruar të pranojnë këtë statut dhe cdo akt që rregullon veprimtarinë e shoqërisë.



Neni 18

Të punësuarit në shoqëri përgjigjen sipas ligjit dhe sipas statutit. Për mos zbatimet dhe dëmet që mund t'i shkaktojnë shoqërisë mbajnë përgjegjësi administrative, disiplinore e penale. Mosmarrëveshjet, që mund të lindin midis të punësuarve dhe punëdhënësit kur nuk mund të zgjidhen me mirëkuptim, secila palë ka të drejtë që t'i drejtohet organeve të drejtësisë.

Neni 19

Punonjësit e emëruar apo të punësuar nuk marrin pjesë në ndarjen e fitimit që realizon shoqëria në veprimtarinë e saj ekonomike, nëse kontrata e punës nuk është e parashikuar ndryshe.

Të gjithë të punësuarit në shoqëri janë të detyruar të ruajnë sekretin e punës në shoqëri. Kjo është e detyrueshme dhe pas largimit nga puna e tyre.

PËRFAQËSIMI I SHOQËRISË

Neni 20

Përfaqësimi i shoqërisë tregtare “**Golec AL Beton**” sh.p.k i takon Administratorit të saj Z. Fisnik Latifi. Ai ka të drejtë që të përfaqësojë shoqërinë në organet gjyqësore, të caktojë e pajtojë avokat kur është e nevojshme.

Neni 21

Shoqëria organizon kontrollin e brendshëm me ekspert kontabël të emëruar me ose pa afat. Ekspertët kontabël kontrollojnë e garantojnë që llogaritë vjetore të jenë të rregullta, të besueshme për rezultatin dhe gjendjen financiare. Ata kontrollojnë mbajtjen dhe evidentimin e veprimtarive financiare në përshtatje me ligjin dhe aktet e tjera për kontabilitetin. Ata janë përgjëjës ndaj shoqërisë dhe ndaj të tretëve për pasojat që rrjedhin nga fajet apo paaftësitet e tyre në kryerjen e detyrës.

BILANCI DHE TË ARDHURAT

Neni 22

Veprimtaritë ekonomike dhe financiare të shoqërisë mbyllen në 31 Dhjetor të cdo viti. Administratori i shoqërisë nxjerr bilancin kontabël dhe raportin përkatës në përputhje me dispozitën ligjore për kontabilitetin.

Raporti i administrimit, inventarët, bilancet dhe llogarite vjetore të hartuara i nënshtrohen pa përjashtim miratimit nga Asambleja e ortakëve (ortaku i vetem) brenda afateve të caktuara.

Me miratimin e bilancit kontabël shoqëria vendos përfondet e nevojshme përvhvillimin si p.sh: fondi rezervë, atë te akumulimit, investimit etj.

Neni 23

Të ardhurat neto pas veçimit të fondeve si më sipër dhe shlyerjes së detyrimeve fiskale i mbeten përpërdorim ortakëve të shoqërisë të cilët i ndajnë midis tyre në përputhje me vendimin e Asamblesë së ortakëve përcaktimin e fitimeve.

Vendimi përcaktimin e fitimeve (përshtypndarjen e fitimeve, përcaktimin e rezervave apo moshtypndarjen e fitimeve të vitit ushtrimor apo dhe fitimeve të mbartura), do të merret në çdo rast në mbledhjen përkatëse të asamblese së ortakëve të shoqërisë, me miratimin në mënyrë unanime me 100% të të gjithë kuotave të shoqërisë.

Asambleja e ortakëve mund të vendosë që të shpërndahen shumat e fondeve të rezervuara duke treguar shprehimisht llojin e rezerves ku janë marrë.

Fitimet neto të realizuara nga veprimtaria e shoqërisë si dhe shumat e fondeve të rezervuara, do të përdoren lirisht nga ortakët e saj. Ortakët do t'i disponojnë lirisht fitimet neto të shoqërisë si dhe shumat e fondeve të rezervuara, pas vendimeve të Asamblesë së Përgjithshme të Ortakëve, përshtypndarjen e tyre. Ortakët e shoqërisë nëpërmjet vullnetit të tyre të shprehur me shkrim, janë autoriteti i vetëm ligjor apo ekzekutiv, që vendos dhe vepron, në lidhje me caktimin e fitimeve neto të shoqërisë apo shumave të fondeve të rezervuara, përshtypndarjen ose jo të tyre, përvinvestimin ose jo të tyre, si dhe përmënyrën e ndarjes së tyre midis ortakëve të shoqërisë.

Në cdo rast, dhe rast pas rasti, fitimet neto të shoqërisë apo shumat e fondeve të rezervuara, do të shpërndahen midis ortakëve të saj, në raportet që ortakët e shoqërisë, do të miratojnë në mënyrë unanime, me 100% të kotave të kapitalit të shoqërisë, pas analizave vjetore të aktivitetit tregtar dhe financiar të shoqërisë duke marrë në konsideratë edhe performancën e ortakëve në funksion të realizimit të fitimeve të shoqërisë, pavarësisht raportit të kuotave që ortakët kanë apo do të kenë në të ardhmen në shoqëri. Në rastin e mungesës së vendimit në mënyrë unanime përshtypndarjen e fitimet neto të shoqërisë apo shumave të fondeve të rezervuara prej saj, shoqëria nuk do të shpërndajë fitim deri në prishjen e saj.

Ortakët e shoqërisë, nëpërmjet këtij statuti të shoqërisë, jepin miratimin e tyre të plotë dhe të parevokueshëm, përmënyrën e ndarjes së fitimit neto të saj, të përcaktuar si më sipër në këtë nen, duke hequr dorë dhe njëkohësisht duke humbur çdo të drejtë të tashme dhe të ardhme, përvëte pretendar ndryshe nga sa është përcaktuar në të.

Cdo ortak ka të drejtën e transferimit jashtë vendit të pjesës së fitimit duke zbatuar dispozitat ligjore përkëtë transferim.



Neni 24

Në selinë e shoqërisë tregtare mbahet dokumentacioni i plotë i saj, mbahen protokollet e ndryshme, dokumentacioni i kontabilitetit ku mund të bëhet vetkontroll ose për t'ia vënë në dispozicion cdo organi kontrolli të ngarkuar me ligj. Dokumentat e shoqërisë duhet të njihen mire nga ortaket.

SHPËRBËRJA E SHOQËRISË

Neni 25

Shpërbërja është shoqërisë mund të vijë në cdo kohë dhe për cfarëdo shkaku si në rastin e falimentimit, privimi i të drejtës për të ushtruar profesionin e tregtarit, forca madhore, raste lufte dhe cdo formë tjetër që nuk varet nga dëshira e Asamblese së ortakeve. Në cdo rast Asambleja vendos mbi mënyrën e likujdimit të shoqërisë duke caktuar një ose më shumë likujditore.

Likujditorët dhe administratorët janë përgjegjës për ruajtjen e pasurisë së shoqërisë derisa t'u dorëzohet personave përkatës fizik e juridik duke i dhënë përparësi likujdimit të detyrimit të shoqërisë ndaj të tretëve.

Mbas likujdimit të të gjithë detyrimeve ndaj të tretëve likujduesi i ndan kapitalet e mbeturës mes ortakut/ortakëve përpjestimisht me kuotat që ata zoterojnë në kapitalin themelor.

Mbasi bëhet njoftimi i mbylljes së likujdimit dhe kryhen formalitetet e mbylljes Shoqëria ç'registrohet nga regjistri i tregtareve i QKB .

NDRYSHIMI I STATUTIT

Neni 26

Ky statut në përgjithësi, mund të ndryshohet me vendimin e asamblese së ortakëve, në perputhje me percaktimet e ligjit 9901 dt 14.04.2008 "Për Tregtarët dhe Shoqëritë Tregtare" i ndryshuar, dhe të akteve të tjera ligjore dhe nënligjore në fuqi, ndërsa në lidhje me nenet 6, 7, 22, 23 dhe 26 të këtij statuti, do të ndryshohen vetëm me vendimin e asamblesë së ortakëve me miratimin në mënyrë unanime me 100% të të gjithë kuotave të shoqërie.

DISPOZITA TË PËRGJITHSHME

Neni 27

Përsa nuk është shprehur në këtë statut i referohet plotësimet e Asambleja e Përgjithshme duke mbajtur parasysh kërkuesat e ligjit 9901 dt 14.04.2008 "Për Tregtarët dhe Shoqëritë Tregtare" i ndryshuar, dhe të akteve të tjera ligjore dhe nënligjore në fuqi.

Mosmarëveshjet që mund të lindin midis palëve në se nuk gjejnë zgjidhje me bisedime e mirëkuptim, do të zgjidhen në Gjykatën e Rrethit Gjyqësor Tiranë.

Cdo ndryshim e plotësim në statut nuk prek personalitetin juridik të shoqërisë tregtare **“Golec AL Beton” sh.p.k.**

Neni 28

Ky statut përpilohet në katër kopje të njëjtë për t'ju shpërndarë organeve përkatëse.

Një kopje i mbetet shoqërisë tregtare **“Golec AL Beton” sh.p.k.**, si pjesë e dokumentacionit themelor të shoqërisë.

Statuti hyn në fuqi ditën e shpalljes së tij dhe firmoset rregullisht nga ortakët themelues të shoqërisë.

Tiranë, më 18 Tetor 2023.

ORTAKU THEMELUS:

FISNIK LATIFI

Fisnik Latifi

Fisnik